

📖 মিশকাতুল মাসাবীহ (মিশকাত)

হাদিস নম্বরঃ ৪৬০৪

পর্ব-২৩: চিকিৎসা ও ঝাড়-ফুঁক (كتاب الطب والرقى)

পরিচ্ছেদঃ ২. তৃতীয় অনুচ্ছেদ - জ্যোতিষীর গণনা

আরবী

وَعَنْ ابْنِ عَبَّاسٍ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «مَنْ اقْتَبَسَ بَابًا مِنْ عِلْمِ النُّجُومِ لِغَيْرِ مَا ذَكَرَ اللَّهُ فَقَدْ اقْتَبَسَ شُعْبَةً مِنَ السِّحْرِ الْمُنْجِمِ كَاهِنٌ وَالْكَاهِنُ سَاحِرٌ وَالسَّاحِرُ كَافِرٌ». رَوَاهُ رَزِين

বাংলা

৪৬০৪-[১৩] 'আবদুল্লাহ ইবনু 'আব্বাস (রাঃ) হতে বর্ণিত। তিনি বলেন, রসূলুল্লাহ সাল্লাল্লাহু আলাইহি ওয়াসাল্লাম বলেছেনঃ যে ব্যক্তি নক্ষত্র বিদ্যা বিষয়ে আল্লাহর বাতলানো উদ্দেশ্য ব্যতীত কিছু শিক্ষাও গ্রহণ করেছে, সে বস্তুতঃ জাদুবিদ্যার এক অংশ হাসিল করেছে। আর জ্যোতিষী প্রকৃতপক্ষে গণক, আর গণক জাদুকর। আর জাদুকর কাফির। (রযীন)[১]

ফুটনোট

[১] সহীহ : আল ইসতিযকার (৩৭৯৪২)-(৯৫৬), আত্ব ত্বিবু লি আবী দাউদ (৪/১৫), 'বায়হাকী'র কুবরা ১৬৯৫৫, 'ত্ববারানী'র আল মু'জামুল কাবীর ১১১১, শু'আবুল ঈমান ৫১৯৭, আহমাদ ২০০০, ইবনু আবু শায়বাহ ২৫৬৪, আবু দাউদ ৩৮০৫, ইবনু মাজাহ ৩৭২৬, সহীহুল জামি' ৬০৭৪, আল জামি'উস্ সগীর ১০১৯, সহীহ আত্ব তারগীব ওয়াত্ব তারহীব ৩০৫১, সিলসিলাতুস্ সহীহাহ্ ৭৯৩।

ব্যাখ্যা

ব্যাখ্যাঃ (مَنْ اقْتَبَسَ بَابًا مِنْ عِلْمِ النُّجُومِ) অর্থাৎ এর জ্ঞান ভাণ্ডার থেকে কোন এক প্রকার জ্ঞান শিখলো।

(لِغَيْرِ مَا ذَكَرَ اللَّهُ) আর তা হলো পূর্বে উল্লেখকৃত তিনটি বিষয়, যার কোনটি ফিস্ক, কোনটি কুফর যা আমরা পূর্বে লিপিবদ্ধ করেছি।

(الْمُنْجِمِ كَاهِنٌ وَالْكَاهِنُ سَاحِرٌ) এর কারণ হলো, সে কথার মাধ্যমে মানুষকে যাদু করে।

(وَالسَّاحِرُ كَافِرٌ) কুফরী করার কারণে অথবা (আল্লাহর মতকে) গোপন করার কারণে। অর্থাৎ অনুরূপভাবে গণক (কাফির) আর জ্যোতির্বিদও অনুরূপ কাফির। (মিরকাতুল মাফাতীহ)

হাদিসের মান: সহিহ (Sahih) পুনঃনিরীক্ষিত

পাবলিশারঃ হাদিস একাডেমি □ বর্ণনাকারীঃ আবদুল্লাহ ইবনু আব্বাস (রাঃ)

🔗 Link — <https://www.hadithbd.com/hadith/link/?id=75328>

📖 হাদিসবিডির প্রজেক্টে অনুদান দিন